



Broj: 27-14-2648/18

Sarajevo, 04.02.2018. godine

U skladu sa članom 6. Uredbe o kriterijama za finansiranje programa i projekata neprofitnih organizacija i udruženja koji se finansiraju / sufinansiraju iz Budžeta Kantona Sarajevo („Službene novine Kantona Sarajevo“, br. 33/11, 03/12-Ispravka, 37/13 i 16/14) u cilju zakonitog i transparentnog trošenja budžetskih sredstava, Ministarstvo komunalne privrede i infrastrukture objavljuje

JAVNI POZIV

za finansiranje programa i projekata neprofitnih organizacija i udruženja iz Budžeta Kantona Sarajevo za 2018. godinu, sa razdjela Ministarstva komunalne privrede i infrastrukture Kantona Sarajevo

PREDMET JAVNOG POZIVA

Predmet javnog poziva je finansiranje programa i projekata neprofitnih organizacija i udruženja koji se finansiraju/ sufinansiraju iz Budžeta Kantona Sarajevo za 2018. godinu, iz razdjela Ministarstva komunalne privrede i infrastrukture Kantona Sarajevo (u daljem tekstu : Ministarstvo komunalne privrede).

PRAVO UČESTVOVANJA

Pravo učestvovanja po javnom pozivu imaju neprofitne organizacije i udruženja koja za sredstva Budžeta apliciraju u svrhu finansiranja/ sufinansiranja projekata koji su od interesa za građane Kantona Sarajevo ili doprinose razvoju i afirmaciji Kantona i provode se na području Kantona Sarajevo, a čiji programi se odnose na;

- uređivanja javnih zelenih površina,
- zaštite i očuvanja okoliša,
- razdvajanja selektivnog otpada i upravljanja otpadom,
- edukacije iz oblasti komunalne privrede i
- aktivnost i uključivanje što većeg broja lica sa invaliditetom u rad udruženja.

Projekti i aktivnosti vezani za oblast iz nadležnosti drugih ministarstava oblast obrazovanja, nauke i mladih, kultura i sport, oblast rada, socijalne politike, raseljenih lica i izbjeglica, zdravstva, boračke zaštite, saobraćaja, zaštite okoliša, privrede, unutrašnjih poslova, zaštite i spašavanja ljudi i materijalnih dobara od prirodnih i drugih nesreća neće se uzeti u razmatranje.





Napomena: Udruženja i neprofitne organizacije koja su finansirana/sufinansirana po ovome osnovu iz Budžeta Kantona Sarajevo za 2017.godinu iz razdjela Ministarstva komunalne privrede i infrastrukture Kantona Sarajevo (shodno tački III Odluke o doznačavanju sredstava iz 2017.godine), a nisu dostavila izvještaj narativnog i finansijskog karaktera neće biti uzeta u dalje razmatranje.

KRITERIJI ZA UČESTVOVANJE

Opšti kriteriji za učestvovanje i dokumentacija koja se dostavlja prilikom prijave na javni poziv:

- a) Popunjen obrazac za aplikaciju za finansiranje/ sufinansiranje projekta, koji sadrži: naziv projekta, opis potreba, kratak opis projekta, ciljevi, ciljne grupe, plan realizacije projekta, trajanje projekta, osoblje i budžet (obrazac prijave preuzeti sa stranici Ministarstva komunalne privrede i infrastrukture (www.mki.ks.gov.ba).
- b) Rješenje o registraciji;
- c) Uvjerenje o poreskoj registraciji-identifikacioni broj;
- d) Uvjerenje iz registra udruženja izdato u vrijeme podnošenja prijave za javni poziv (ovo se odnosi za udruženja koja su registrovana na državnom i federalnom nivou);
- e) Program rada za 2018. godinu;
- f) Finansijski plan za 2018. godinu;
- g) Uvjerenje o izmirenim poreznim obavezama (ne starije od tri mjeseca);
- h) Uvjerenje o izmirenim porezima i doprinosima za zaposlene (ukoliko ima zaposlenih) (ne starije od tri mjeseca);
- i) Ekonomska ili društvena opravdanost projekta koje udruženje predlaže ili sprovodi (ovjerena i potpisana izjava odgovornog lica);
- j) Organizovanost i broj članova udruženja (ovjerena i potpisana izjava odgovornog lica);
- k) Broj lica koja učestvuju u realizaciji projekta (ovjerena i potpisana izjava odgovornog lica);
- l) Rezultati i uspjesi na kantonalnom, federalnom, državnom i međunarodnim nivou, odnosno broj korisnika obuhvaćen projektom (ovjerena i potpisana izjava odgovornog lica)

Posebni kriteriji:

- da predloženi projekti, programi i aktivnosti nisu vezani za oblast iz nadležnosti drugih ministarstava;
- izjava udruženja o finansiranju udruženja iz drugih izvora ili drugih nivoa vlasti u 2018. godini

Svi dokumenti koji se podnose kao dokaz o ispunjavanju opštih i posebnih kriterija iz ovog poziva moraju biti originalni ili ovjerene kopije.

Prijave koje ne ispunjavaju opšte i posebne kriterije iz ovog poziva neće se razmatrati.



Bosna i Hercegovina
Federacija Bosne i Hercegovine

KANTON SARAJEVO
**Ministarstvo komunalne
privrede i infrastrukture**



Bosnia and Herzegovina
Federation of Bosnia and Herzegovina

CANTON SARAJEVO
**Ministry of Communal Economy and
Infrastructure**


OPŠTE ODREDBE

Prijave na javni poziv podnosi se u pisanoj formi na obrazcu objavljenom na web stranici Ministarstva komunalne privrede i infrastrukture sa dokazima o ispunjavanju opštih i posebnih kriterija, u zatvorenoj koverti.

Prijave se dostavljaju na protokol Kantona ili poštom, na adresu: Kanton Sarajevo- Ministarstvo komunalne privrede i infrastrukture, ul. Reisa Džemaludina Čauševića 1., sa naznakom „Prijava za finansiranje udruženja- ne otvaraj“.

Javni poziv se objavljuje u dnevnim novinama „Oslobođenje“ i na internet stranici Ministarstva komunalne privrede i infrastrukture Kantona Sarajevo (www.mki.ks.gov.ba).

Prijava za finansiranje/sufinansiranje udruženja mogu se podnijeti u roku od 15 (petnaest) dana od dana objavljivanja javnog poziva u dnevnim novinama.



web: <http://mki.ks.gov.ba>
e-mail: mki@mki.ks.gov.ba
Tel: + 387 (0) 33 562-086, Fax: + 387 (0) 33 562-177
Sarajevo, Reisa Džemaludina Čauševića 1